

### **Kuminsá tèst bo mes dor di kontesta e sigiiente preguntanan:**

- 1.** Bo ta sinti e deseo fuerte pa usa kokaina?
- 2.** Bo ta usa mas kantidat òf mas frekvente di loke bo a plania pa bai usa?
- 3.** Na momentu ku bo disidí di usa ménos òf stòp ku uso, bo ta ripará ku esaki ta difisil òf ku bo no ta logra?
- 4.** Dor di uso di kokaina bo a eksperenshá konsekuenshanan negativo na kas, trabou òf skol?



**Pa e sobra preguntanan i tambe pa chèk e resultadonan por subi nos wèpsait [www.fma-curacao.com](http://www.fma-curacao.com)**

**Pa traha un sita, bo por yama òf pasa na nos edifisio.**

#### **Fundashon pa Maneho di Adikshon**

Oosterbeekstraat 11, Sherasil /T: 461-5977 òf 670-5544 

**W:** [www.fma-curacao.com](http://www.fma-curacao.com) / **E:** [info@fma-curacao.com](mailto:info@fma-curacao.com)

Pa mas informashon tokante droga i adikshon, bo por bishitá nos wèpsait.



## **Kiko e ta?**

Kokaina ta bini di un mata ku ta krese na Sur Amerika. E ta mihó konosí komo “coke” kual ta un puru blanku kristalino. E tin un smak poko beter. Nan sa yam'é: koka, blanku, snow, puru di oro (golddust), mangel pe nanishi (snow-candy), puru di plaser (joy powder). Usadonan ta inhalé via nanishi (sneif), òf ta usa angua pa inyekté den sanger. Uso di angua no ta popular aki na Kòrsou. Tin hende ta mesklé ku tabako, e ta duna un efekto fuerte i korto. Kokaina tin un influensha fuerte riba nos seleber. E ta liberá dopamina, serotonina i noradrenalina. Debí na e dopamina i serotonina e usadó ta sinti su mes dushi i bon, e noradrenalina ta duna energia. Na momentu di uzo e ta bai direkto den bo sanger i bo ta kuminsá sinti e efekto di dje.

### **Kiko ta su efektonan?**

E efekto di kokaina ta dependé entre otro di:

- Kondishon físiko di e persona;
- Kantidat ku ta wòrdu usá
- Sistema di usa (si ta sneif óf ta hasi uso di angua)

Na momentu ku bo hasi uso di kokaina, e ta stimulá bo sistema nervioso mesora. Esaki ta pone ku bo preshon ta subi, kurason ta bati mas duru, bo vena ta sera i bo ta hala rosea mas purá. E ta dunabu energia i ta vèrdof bo, pues bo no ta sinti ku bo ta kansá òf ku bo tin hamber. E usadó ta sinti su mes kontentu i ta sinti ku e por kue mundu ku man. Di otro un banda e uso di kokaina ta trese un kambio den bo karakter dor di hasibu un hende egoista, arogante i swak. Otro efekto di e kokaina ta ku e ta dunabo e sensashon di tin hopi kurashi. Debí na e pensamentu ku bo mes por tur kos



i ku bo no tin mester di yudansa, bo ta isolá bo mes for di hende. E ta trese algun efekto i influensha pa ku nos kurpa. E efektonan ku e kokaina ta ehersé ta riba termino kòrtiku i largu.

E konsekuenshanan físiko i mental di uso di kokaina ta:


#### E efektonan ta:

- Bo ta haña batimentu di kurason.
- E ta influenshá bo manera di aktua i pensa dor ku kokaina ta lagabu halusiná.
- Si bo hasi uso di kokaina huntu ku alkòhòl bo kurason lo bati mas duru ku normal, tambe e por afektá bo pankreas
- E ta okashoná doló di kabes.
- E ta subi bo preshon di sanger.
- Bo nanishi ta kuminsá basha awa i nanishi será, problema ku gulimentu, stèm heis, nanishi ku ta sangra, herida rondó di nanishi, lep i den boka.
- Bo ta sinti bo mes hanshá, nervioso i deprimí.
- Difikultat ku drumimentu.
- Bo lo por haña daño na wesu di bo nanishi
- Bo ta pèrdè peso i smak pa kome.
- Bo por hañabu ku impotensia.
- Atake di djimpi severo.

- Mas bo usa kokaina, mas bo mente ta bai mas patras.
- Paranoia; bo ta deskonfiá tur hende i bo ta bira fasilmente jalurs.
- E ta hasibu adikto, mas aun ora bo ta kombiné ku alkòhòl
- Uso di angua ta trese ta hinkabo den riesgo di haña infekshon, herida òf aids. Tambe e sanger por koha (forma klòmipi).

Uso frekvente ta pone ku e persona ta neglighá su mes, su famia i trabou. E ta gasta mayoria di su sèn na e bisio aki. E ta pèrdè interes den tur kos, asta den e kosnan ku normal e ta gusta, manera su hòbinan. Kokaina ta kambia bo personalidat, i esaki ta afektá tur bo sernan kerí.

Tur efekto ariba mensioná ta mas serio, si e usadó tin kurason debil, preshon haltu, ta sufri di epilepsia òf tin malu di suku.



E imágenan aki ta mostra funshonamentu di diferente seleber. E promé imágen ta seleber ku ta funshoná nòrmaal sin droga. Hopi koló hel riba e imágen kemen ku tin hopi aktividat na nivel selebral. E di dos imágen ta mostra un seleber di un persona adikto na kokaina, pero ku no a usa durante 10 dia anto e di tres imágen ta muestra un persona ku a stòp di usa durante 100 dia. Ora un hende stòp ku su uso di kokaina, e aktividat i funshonamentu selebral ta aumentá durante su rekuperashon.

P'esei nunca ta lat pa bo stòp ku bo uso di kokaina. Tuma kontakto ku FMA pa haña yudansa i logra un bida ku éksito